

Na osnovu člana 52., 92. stav (2), 100. stav (1) tačka j) i stav (3) i 102. Pravila Javne ustanove Bosansko narodno pozorište Zenica broj: 266/23 i 850/23, Upravni odbor Javne ustanove Bosansko narodno pozorište Zenica na XII radnoj sjednici održanoj dana 07. 02. 2024. godine prema prijedlogu direktora JU Bosansko narodno pozorište Zenica, donosi sljedeći

P R A V I L N I K

o izmjeni i dopuni Pravilnika o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica

I

Ovim Pravilnikom mijenja se i dopunjava Pravilnik o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica (broj: 920/21, 1112/21-01 i 1225/22).

II

Član 14. (Najam prostornih kapaciteta Velike scene – Plave dvorane), mijenja se i glasi:

Zainteresirana pravna i fizička lica prostorne kapacitete Velike scene - Plave dvorane mogu koristiti po sljedećim uvjetima i cijenama naknade:

- (1) **=2.200,00 KM** (slovima: dvijehiljadeidvijestotine konvertibilnih maraka) – manifestacije izbora (sportisti, menadžeri, automobilska industrija, izbori ljepote i sl.) na nacionalnom, regionalnom i internacionalnom nivou; jednokratna televizijska snimanja - televizijske kuće i produkcije,
- (2) **=1.700,00 KM** (slovima: jednahiljadaisedamstotina konvertibilnih maraka) – svečane akademije u povodu državnih i vjerskih blagdana, značajnih jubileja i obljetnica; programi međunarodne suradnje; programi inozemnih diplomatskih i konzularnih predstavništva,
- (3) **=1.500,00 KM** (slovima: jednahiljadaipetstotina konvertibilnih maraka) visokobudžetne kompanije (telekomi, bankarski sektor, osiguravajuće kuće, ostala poduzeća i kompanije velikog biznisa); političke stranke i partije; visokokomercijalni programi iz oblasti kulture, umjetnosti i industrije zabave sa cijenom ulaznice od najmanje =10,00 KM (slovima: deset konvertibilnih maraka),
- (4) **=1.150,00 KM** (slovima: jednahiljadastotinuipedeset konvertibilnih maraka) – kompanije i preduzeća srednje veličine; komercijalni programi iz oblasti kulture, umjetnosti i industrije zabave sa cijenom ulaznice od =7,00 (slovima: sedam) do =9,99 KM (slovima: devet konvertibilnih maraka i 99/100); univerziteti; manifestacije izbora (sportisti, menadžeri, automobilska industrija, izbori ljepote i sl.) na lokalnom nivou (općinskom/gradskom i kantonalnom),
- (5) **=900,00 KM** (slovima: devetstotina konvertibilnih maraka) – kompanije i preduzeća manjeg biznisa; komercijalni programi iz oblasti kulture, umjetnosti i industrije zabave sa cijenom ulaznice od 5 (slovima: pet) do =6,99 KM (slovima: šest konvertibilnih maraka i 99/100); ustanove u oblasti zdravstva,
- (6) **=650,00 KM** (slovima: šeststotinaipedeset konvertibilnih maraka) – osnovne i srednje škole; ustanove predškolskog odgoja; kulturno-umjetnička društva i nacionalna kulturna društva; kulturno-umjetnički programi (koncerti, predavanja, tribine) otvoreni za javnost; komercijalni programi iz

oblasti kulture, umjetnosti i industrije zabave sa cijenom ulaznice do =4,99 KM (slovima: četiri konvertibilne marke i 99/100),

- (7) **=600,00 KM** (slovima: šeststotina konvertibilnih maraka) – na ime jednokratnog korištenja za potrebe snimanja video materijala/spotova u noćnom terminu (iza 22 sata) do 180 minuta, pri čemu istom ne prisustvuje publika i ne vrši se prodaja ulaznica,
- (8) **=500,00 KM** (slovima: petstotina konvertibilnih maraka) - na ime jednokratnog korištenja za potrebe snimanja video materijala/spotova u dnevnom terminu do 180 minuta, pri čemu istom ne prisustvuje publika i ne vrši se prodaja ulaznica i
- (9) **=350,00 KM** (slovima: tristotinepedeset konvertibilnih maraka) – programi humanitarnog karaktera u kojima je kompletan ostvareni prihod usmjeren u humanitarne svrhe.

III

Član 15. (Korištenje Gornjeg foaje, Donjeg foajea i Male galerije), mijenja se i glasi:

Zainteresirana pravna i fizička lica prostorne kapacitete - Gornji foaje, Donji foaje i Mala galerija koriste prema jedinstvenoj cijeni naknade u visini od:

- (1) **=300,00 KM** (slovima: tristotine konvertibilnih maraka), za svaki od navedenih prostornih kapaciteta.
- (2) Za potrebe snimanja video materijala/spotova:
 - a) **=350,00 KM** (slovima: tristotinepedeset konvertibilnih maraka) u noćnom terminu (iza 22 sata) do 180 minuta, pri čemu istom ne prisustvuje publika i ne vrši se prodaja ulaznica i
 - b) **=250,00 KM** (slovima: dvijestotinepedeset konvertibilnih maraka) u dnevnom terminu do 180 minuta, pri čemu istom ne prisustvuje publika i ne vrši se prodaja ulaznica.

IV

Član 16. (Korištenje Male scene „Žarko Mijatović“), mijenja se i glasi:

Zainteresirana pravna i fizička lica prostorne kapacitete - Mala scena „Žarko Mijatović“ i Konferencijska sala koriste po jedinstvenoj cijeni naknade u visini:

- (1) **=250,00 KM** (slovima: dvijestotinepedeset konvertibilnih maraka), za svaki od navedenih prostornih kapaciteta.
- (2) Za potrebe snimanja video materijala/spotova:
 - a) **=350,00 KM** (slovima: tristotinepedeset konvertibilnih maraka) u noćnom terminu (iza 22 sata) do 180 minuta, pri čemu istom ne prisustvuje publika i ne vrši se prodaja ulaznica i
 - b) **=250,00 KM** (slovima: dvijestotinepedeset konvertibilnih maraka) u dnevnom terminu do 180 minuta, pri čemu istom ne prisustvuje publika i ne vrši se prodaja ulaznica.

V

Član 17. (Korištenje Probne sale 16, Podrumske scene i Multimedijalne sale 44), mijenja se i glasi:

Zainteresirana pravna i fizička lica prostorne kapacitete Probna sala 16, Podrumska scena i Multimedijalna sala 44 moći će koristiti po jedinstvenoj cijeni naknade u visini:

- (1) =**150,00 KM** (slovima: stotinuipedeset konvertibilnih maraka), za svaki od navedenih prostornih kapaciteta.

VI

Član 18. (Korištenje Probne sale 16, Scene u potkrovlju i hodnika), mijenja se i glasi:

Najam prostornih kapaciteta Probne sale 16, Scene u potkrovlju i hodnika, koji se se odnosi isključivo na potrebe snimanja video materijala/spotova, pri čemu istom ne prisustvuje publika i ne vrši se prodaja ulaznica, podrazumijeva isplatu naknade u visini:

- (1) =**350,00 KM** (slovima: tristotineipedeset konvertibilnih maraka) u noćnom terminu (iza 22 sata) do 180 minuta i
(2) =**250,00 KM** (slovima: dvijestotineipedeset konvertibilnih maraka) u dnevnom terminu do 180 minuta.

VII

Ovaj Pravilnik stupa na snagu osmog dana od dana njegove objave na oglasnoj ploči *Pozorišta Zenica*, a primjenjuje se počevši od 01. 03. 2024. godine.

VIII

Najam scenskih i prostornih kapaciteta iz Pravilnika prema zahtjevima zainteresiranih lica upućenim do 01. 03. 2024. godine, bit će ugovoren prema dosadašnje važećim cijenama iz Pravilnika o izmjeni i dopuni Pravilnika o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica (br. 920/21, 1112/21-01 i 1225/22).

Javna ustanova



BOSANSKO NARODNO POZORIŠTE ZENICA

Upravni odbor

11.02.2024.

17

Una Kulenović, predsjednica

Zenica, 07. 02. 2024. godine
Broj: 197/24